



CANTON SARAJEVO
Professional Office for Common affairs

Broj: 17-11-29100-11/20
Sarajevo, 03-09-2020 godine

Na osnovu člana 69. stav (2) tačka d), člana 70. stav (1) (4) i (6) Zakona o javnim nabavkama ("Službeni glasnik BiH", broj: 39/14), a u skladu sa članom 6. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ broj 5/06 – Prečišćeni tekst) i preporuke Komisije za nabavku roba u postupku javne nabavke za "Nabavku i isporuku računara i računarske opreme za potrebe organa Kantona Sarajevo" **LOT 2 – Kancelarijske mašine, oprema i potrepštine** (Zapisnik o pregledu i ocjeni ponuda broj: 17-11-29100-9/20 od 31.08.2020. godine), načelnik Stručne službe za zajedničke poslove Kantona Sarajevo, d o n o s i:

ODLUKU
o poništenju postupka javne nabavke

Član 1.

(Predmet Odluke)

Prihvata se Preporuka Komisije za nabavku roba sadržane u Zapisniku Komisije broj: 17-11-29100-9/20 od 31.08.2020. godine i poništava se postupak javne nabavke i isporuke računara i računarske opreme za potrebe organa Kantona Sarajevo" **LOT 2 – Kancelarijske mašine, oprema i potrepštine** pokrenut putem konkurentskog zahtjeva za dostavu ponuda, evidencijski broj: 17-11-29100-1 i obavještenje o nabavci, broj: 1230-7-1-57-3-24/20 od 11.08.2020. godine.

Član 2.

(Objava Odluke)

Ova odluka objavit će se na web-stranici ugovornog organa <http://jn.ks.gov.ba>, shodno članu 70. stav (6) Zakona o javnim nabavkama ("Službeni glasnik BiH" broj 39/14)(u daljem tekstu: Zakon).

Član 3.

(Stupanje na snagu)

Ova odluka stupa na snagu danom donošenja.

Obrazloženje



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220

Sarajevo, Reisa Džemaludina Čauševića 1



Na osnovu Preporuke Komisije sadržane u Zapisniku Komisije broj: 17-11-29100-9/20 od 31.08.2020. godine, Ugovorni organ cijeni da su ispunjeni uslovi iz člana 69. stav (2), tačka d) Zakona.

Obavještenje o nabavci i Konkurentski zahtjev za dostavljanje ponuda za javnu nabavku i isporuku računara i računarske opreme za potrebe organa Kantona Sarajevo" LOT 2 – Kancelarijske mašine, oprema i potrepštine su objavljeni na portalu javnih nabavki dana 11.08.2020. godine. Procijenjena vrijednost javne nabavke za LOT 2 – Kancelarijske mašine, oprema i potrepštine je 5.000,00 KM. Rok za prijem ponuda je bio 24.08.2020. godine do 11:30h.

U predviđenom roku, na Pisarnicu ugovornog organa u uredno zatvorenim kovertama, dostavljene su ponude od sljedećih ponuđača:

R. br.	PONUĐAČ (naziv i sjedište)
1.	"EMADO" d.o.o. Sarajevo, ul. Azize Šaćirbegović 112, 71000 Sarajevo
2.	"DIGITARIJA" d.o.o. Sarajevo, ul. Zmaja od Bosne 14c, 71000 Sarajevo

U skladu sa Odlukom o pokretanju postupka, Komisija za nabavku roba formirana Odlukom broj: 17-14-38834 od 29.10.2019. godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Konkurentskom zahtjevu za dostavu ponuda. Zapisnik o pregledu i ocjeni ponuda broj: 17-11-29100-9/20 od 31.08.2020. godine čini sastavni dio ove odluke i u istom je utvrđeno sljedeće:

- da je ukupan broj pristiglih ponuda dvije (2),
- da je blagovremeno zaprimljeno ukupno dvije (2) ponude,
- da nema neblagovremeno zaprimljenih ponuda,
- da ponude ponuđača "EMADO" d.o.o. Sarajevo i "DIGITARIJA" d.o.o. Sarajevo ne ispunjavaju formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa iz sljedećih razloga:

- Ponuđaču "EMADO" d.o.o. Sarajevo je dana 26.08.2020. godine putem mail-a poslan zahtjev za pojašnjenje ponude, a vezano za ponuđeni skener EPSON WorkForce DS870. U predhodnoj nabavci skenera utvrđeno je da navedeni skener (također Epson WorkForce DS-870) nakon preuzimanja i testiranja ne omogućava kreiranje pretražive PDF datoteke pomoću OCR tehnologije niti za jedno od službenih pisama u Bosni i Hercegovini, a što je bilo suprotno zahtjevima iz tenderske dokumentacije, te je kao ishod toga sa izabranim ponuđačem raskinut ugovor, a skeneri su u skladu sa ugovorom vraćeni izabranom ponuđaču. Od ponuđača "EMADO" d.o.o. Sarajevo je zahtjevano da u roku od dva dana od dana prijema zahtjeva dostavi dodatno pojašnjenje da li i na koji način ponuđeni kompaktni uredski skener EPSON WorkForce DS870 ima mogućnost trenutnog kreiranja pretražive PDF datoteke (OCR tehnologija) s podrškom za službena pisma u Bosni i Hercegovini. Kako navedeni ponuđač u predviđenom roku nije dostavio pojašnjenje ponude, ponuda ponuđača "EMADO" d.o.o. Sarajevo se odbacuje kao neprihvatljiva u skladu sa članom 68. stav (4) tačka f) Zakona.



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1



- Ponuđač "DIGITARIJA" d.o.o. Sarajevo je dostavio ponudu koja ne ispunjava zahtjevane uslove iz tenderske dokumentacije u pogledu opisa predmeta nabavke i tehničkih specifikacija. Naime, u tenderskoj dokumentaciji (str. 20) u obrascu za cijenu ponude – robe (Kancelarijske mašine, oprema i potrepštine, Prilog2./LOT 2) je zahtjevan skener sa preporučenim dnevnim radnim ciklusom od približno 6000 skeniranih dokumenata dnevno i sa brzinom skeniranja od 45 ppm / 90 ipm pri najmanje 200 dpi, dok je ponuđač "DIGITARIJA" d.o.o. Sarajevo u svojoj ponudi (str. 11/12) kao detaljne tehničke specifikacije ponuđene robe ponudio skener sa dnevnim radnim ciklusom od 1500 skeniranih dokumenata dnevno i sa brzinom skeniranja 20 ppm / 40 ipm pri 300 dpi, a što nije u skladu zahtjevanim navedenim uslovima iz tenderske dokumentacije u pogledu opisa predmeta nabavke i tehničkih specifikacija.

U skladu sa navedenim, ponuda ponuđača "DIGITARIJA" d.o.o. Sarajevo se odbacuje kao neprihvatljiva u skladu sa članom 68. stav (4) tačka i) Zakona.

Komisija je, iz razloga što nije zaprimljena nijedna prihvatljiva ponuda, Rukovodiocu ugovornog organa dala Preporuku da donese Odluku o poništenju postupka javne nabavke i isporuke računara i računarske opreme za potrebe organa Kantona Sarajevo” **LOT 2 – Kancelarijske mašine, oprema i potrepštine** u skladu s članom 69. stav (2). tačka d) Zakona.

Na osnovu gore navedenog, odlučeno je kao u dispozitivu ove Odluke.

Pouka o pravnom lijeku:

U skladu sa članom 101. Zakona, protiv ove Odluke može se izjaviti žalba ugovornom organu, najkasnije u roku od 10 (deset) dana od dana objave ove Odluke.



Pripremio: Almir Mešić, dipl.iur.
Kontrolisao: Sedin Kozadra, dipl.ecc.

Prilog:

Zapisnik o pregledu i ocjeni ponuda broj: 17-11-29100-9/20
od 31.08.2020. godine

Dostaviti:

1. *Web stranica – na objavu*
2. *a/a*



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1

